

al vicerè per la trata de biscoti per le galie di Fian-
dra sono stà expedite, spero mandarle con queste
se non con el primo spazio.

61 *Di Candia, di sier Domenego Capelo duca, et sier Heronimo Zane capitano et consieri, di 4 April, ricevute, a dì 19 dito.* Come non è stà mandà; li conti di la camera, perchè Filippo Agustini scontro de la Camera era amalato, al presente li manda; et in luogo di sier Zuan Pixani era retor a Tine et Micone, intromesso per sier Mareo Antonio Dièdo come sinico, et levato de li, fo mandato sier Anzolo Gradenigo camerlengo, con il qual Pixani venuto de quì hora se atende a veder le intrade de quele ixole. Et per letere dil clarissimo zeneral Capello, in loco di domino Anzolo Nadal era amalato, habbiamo mandato sier Zuan Batista Marin camerlengo, sichè restemo con un camerlengo solo. Habbiamo preparà le 4 galie per armarle, et, per uno navilio venuto quì, mò terzo zorno parti de Cipro, habiamo in la Soria esser la peste, la qual ha infetà et è apizata in Famagosta.

Di sier Bertuzi Contarini capitano dil galion, date a Saline, a dì 5 April, ricevute a dì 19 Mazo. A dì 8 dil passato mi levai dil Zante per venir a veder de uno galion armado, capitano fra Loison, et vegnando a Cerigo et a la Fraschia avi lengua che uno navilio de nostri andava a Damiatà, et per fortuna arivò a Scarpanto, et capitò in quel luogo ditto galion et li tolse bote 12 de vin come roba de zudei, le quale però erano del canceliere grandò de Candia, comprate da zudei et le mandava al viazo. Et poi el galion arivò a sorzer a Cao Salamon. Io veni a la volta dii dito et havi lengua, poi zorni 8 capitò al Cavo de Paliocastro et era per transferirsi a Castel Ruzo, unde io veni per la costa a Scarpanto et l'ixola de Rodi et a li Sette Cavi, a dì primo de l'istante fui per mezo Castel Ruzo, largo in mar discoverì una nave, la qual veniva da terra a la nostra volta. Aproximadi che fossemo, vili era have ponentina ben in ordine con zente assai et le bandiere turchesche, fiei amatar, aproximati, la insegna, considerai era turchesca ge treti una bombardà senza balota et la bandiera di seguranza di haver parlamento con loro. El suo calar et parlamento fo che comenzò a trar di bona artellaria et al colpo amazò uno de li mei capi. Vedendo questo, mi fu forzo, per quanto porta raxon et honor mio, sbararli tutta la mia artellaria, dove che penso harano hauto dil danno voluntariamente, se havesse voluto seguir de trar l'haria butada a fondi, ma per qualche rispeto la lassai cussi tratada.

Et a dì 4 arivai a Bafo, dove dal capitano fui informato dil galion de homeni de l'ixola, che il galion zà molti zorni era stato verso Fontana Morosa, et partite de li et di lui non se havea saputo altro.

Da Milan, de l' orator, di 18, ricevute a dì 21 Mazo. Il marchese di Saluzo fortifica Alba con solecitudine. Il signor Antonio de Leiva ha fatto condur li pezi 7 de artellarla in Alexandria, zoè 4 canoni et 3 sacri. Di Zenoa se ha el zonzor de l'armata, la qual messe in Africa le zente hispane, aziò non se disfanteno per servirse de loro per Italia, bisognando. Il Doria è ritornà con l'armata et el marchese dil Guasto, al qual Cesare li ha donato scudi 8000. De Franza, se ha avisi, che il re Christianissimo con la fiola et serenissima regina avanti heri dovean zonzor a Lion. Il segretario de questo signor è partito avanti heri per Venecia. Sono avisi de Roma, di 12, li esser stà fatto eride che niun parli de lo aboccamiento dil Pontefice con il re Christianissimo, et che quelli de Coron con molti dil paese haveano rebatuti turchi, et questo instesso se ha da Zenoa, et Turchi esser stà malmenati da li Cesarei. Di Ferrara sono avisi de l' orator di questo signor duca, haver di Franza lettere che lo aboccamiento dil Papa con el re Christianissimo certo seguiria.

Di Anglia, dil Capelo orator, da Londra, di 16 April, ricevute a dì 21 Mazo, da sera. Questa scrive per via de Anversa: et avanti mezo zorno vene uno zentilhomo dil re a dirmi andasse a la corte a Granuzi a disnar, unde andai, et fui al principio et disnai con el gran cancelier duca de Norfolk, marchese d' Ancor, el padre et fradelo de la regina Anna, dai quali fui veduto gratissimamente, et disseno el re me voleva parlar. Et finito el disnar in compagnia loro intrai da Soa Maesta, la qual era con molti signori, et la regina Anna con molte signore et damiselle. Sua Maestà subito mi prese per mano, col qual me alegrai per nome de la Signoria con parole zeneral de ogni suo contento. Sua Maestà dimostrò haverle grate. Poi me dimandò se havea nova alcuna, io dissi de no. Sua Maestà me disse questo orator de Cesare afferma la Signoria è intrà in la liga del Papa et de l'imperador, et io dicendo non era el vero, lui lo haveva affirmà et era verissimo, et la Signoria dissimulava di non esser intrata, et era stà stampà una scrittura de la publication de la liga, qual includeva la Signoria. Unde lui orator nostro negoe tal cosa, et ha aviso la Signoria esser stà rezercata a intrar et non haver voluto entrar, et tal stampa era stà fatta a Bologna et non a Venexia, fata al modo loro, di